



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 四八

中洲草堂遺集二十三卷首一卷末一卷 陳子升撰

義圃傳家集十卷別錄二卷首一卷 王 鷟撰 王善塏輯

中洲草堂遺集

中洲草堂遺集目錄

卷首

序傳

卷之一

賦

卷之二

四言詩

卷之三

樂府

卷之四

五言古

卷之五

五言古

卷之六

七言古

卷之七

七言古

卷之八

中洲草堂遺集目錄

詩書軒校刊本



五言律

卷之九

五言律

卷之十

五言律

卷十一

七言律

卷十二

七言律

中洲草堂遺集目錄

二

詩寧軒校刊本

卷十三

七言律

卷十四

七言律

卷十五

五七言排律

卷十六

五言絕

卷十七

七言絕

卷十八

葩經體附

卷十九

詞

卷二十

曲名嶺飲

卷二十一

琴操

中洲草堂遺集目錄

三

詩寧軒校刊本

卷二十二

雜著文

卷二十三

硯書

疏草焚餘

嗣刻

四子義

易義

嗣刻

中洲說詩 附刻

卷末

采摭羣言附錄

集外撰述 侯刻

識名廣編

風雅之道至今日發明無遺蘊矣返觀明代前輩優孟漢唐之衣冠而性情不屬關吾粵之蠶叢者人皆知功在羅季作鄭湛若陳中洲王說作諸公實則哲匠經營固已搜剔元微森羅衆妙也滋味親嘗方識

中洲草堂遺集目錄

四 詩雪軒校刊本

甜瓜微蒂口性情溫厚音節和平雖然才不可不奇調不可不高也有時空諸所有有時實諸所無有時高唱入雲有時舟迴蕩漾有時天然頽放有時簇錦攢花閒或嗜險驅奇畢竟雅人深致總於溫厚和平意旨不爽毫芒是之謂中洲先生之詩云爾古今奇書莫尙於史記柳子厚以潔之一字蔽之嗚呼盡之矣予嘗萃中洲草堂賦詠若干卷循誦迴環信其行遠而傳後蓋言之極其文也文之嘉評移贈他賢不合舉之以况先生似乎確切先生長予一十五歲忘

年交好今往矣披閱遺集追思故人不勝山陽之感先生聰明絕倫才思斐疊妙解聲律擅名詩歌聞其少與黎板橋投膠壯與薛剛生同研自丙午丁未以後多半與予及陳元孝往還唱酬題詠其躊躇滿志之作怡然自得其間有羣心未愜者卽碎其稿再四更易必求遺貌取神令元孝與予激賞而後已請述其大略則生平與遊與偕以虛受人無矜倨狀概可知已故其詩前後已刻未刻體格屢變悉皆工妙也集中十數字句或日久蟲蠹所傷或當時敲推未定

中洲草堂遺集目錄

五 詩雪軒校刊本


寧聽其殘缺不完不宜以臆見妄補

同里梁佩蘭藥亭氏編集并識

中洲集序

二

詞林資序班列先後隔越余於南海文忠公禮



握手傾肺腑若兄弟然喬生則南海之弟余以爲南海弟猶吾弟也山河遷謝日月逾邁南海藏血化碧墓木已拱余與喬生周餘夏肄參辰阻絕寥落於江雲嶺樹之間年家子黃與可念我八十耄老度嶺相存攜喬生手書及詩集見眎展念吟諷潸潸漬漬紙不能收嗟乎銅馬競馳金虎橫噬九嬰暴起十日竝出心窮填海力盡移山原軫之歸元如生霽雲之斷指猶動千秋而下表

中洲草堂遺集卷首

一 詩雪軒校刊本

裏憑弔靡不骨驚肉飛髮植毛豎而况於同官爲僚邪許飲助大廈竝壓橫流胥溺者乎又况於一死一生冥明長慕恨不得抗詞同日舐面視舍者乎讀喬生之詩而想見其已事慟哭誓師創殘飲血旣已怒爲轟雷笑爲閃電矣炎風朔雪唐天儼然傳芭伐鼓楚祀未艾陳庭之矢集隼而終梧周府之玉化蛾而能射自悼之章七哀之什長懷思陵永言金鑑魯陽之落日重揮耿恭之飛泉立涌豈猶夫函書晉井但懺庚申慟哭荒臺徒傳乙丙而已哉若其學殖富有才筆日新以風雅爲第

宅以騷選爲苑囿繙繡悽絃蒙榮集翠南海盱衡告余

有火攻伯仁之嘆固無待於余言也老人冬序百感交集薄寒中人酌羽可飭荔枝酒醺然命筆寒燈青熒窗紙窸窣如有神物下瞰封題輟簡趣寄喬生爲我寫一通焚之文忠墓前以當大招斯余之志也夫

歲在壬寅陽月五日漏下二鼓虞山蒙叟錢謙益書于絳雲餘燼之東廂時年八十有一

復陳喬生

附

陽月七日謙益再拜

草木餘年偷生視息老歸空門但以禪燈貝葉息心送

中洲草堂遺集卷首

二 詩雪軒校刊本

老羽可來得奉手書及扇頭佳什不謂高明元覽尙憶東吳菰蘆中有此長物巡檐顧影且感且嘆新詩累卷出風入雅所謂軒翥詩人之後奮飛詞家之前非復昏忘所可評騭吟咀之餘乘興作敘文一篇方寸五岳吐茹不能聊亦伸寫一二借他酒格澆我塊壘也有心者讀此想亦爲悲歌忼慨泣數行下耳道隱如在海幢可眎彼一嘆也寒窗蕭條草次命筆南鴻多便時佇德音舊序

詩三百篇皆可歌可誦可舞可弦古者太師世其業以

教國子成童以上胥往學焉誦則習其文歌則識其聲舞則見其容弦則寓其意所教樂無非詩者故詩學素明夫人而能爲詩後世教曉雜學多由莽卽以詩取士僅乃掇青紫爲媚世之資已乖采風遺意况乎墨守專經稍出緒餘浮聲游響一入仕宦塵務縈心偶有興會不脫轉換套襲之語宜乎退讓未遑若且囂然自負曰得岸舍筏矣曰登峯造極矣浸淫於今一闢之市羣逐之鹿舉國若狂胡顏之厚一至此哉弟喬生氏少通制舉義卽以詩問予予未有以應也不數年而善詞曲

中洲草堂遺集卷首

三 詩雪軒校刊本

又不數年而擬文選諸家之賦薈薈數千言以彼其才咸有咸宜歌雅舞勺習而生巧椎輪大輅踵而增華張融不因循寄人籬下祖珽自成一家風骨非夫胡寬之營新豐優孟之貌孫叔者矣毋論識者酷嗜其神駿縱不識者未嘗不驚怖其江漢焉安用爲兄者之私言乎吁嗟命也先君以幼弟遺予予多不逮又生多患以爲弟憂凡予礫格不能翹之口者而弟往往寓而爲詩故自他人所見之爲宋豔班香者而自予讀之皆有蓼莪鵲鵲之深意夫鶴鳴徹天鐘動山應物誠有之况微辭

相感動哉揚子雲雅慕司馬之賦爲甘泉羽獵以擬之後悔其少作乃云雕蟲小技壯夫不爲彼所謂壯夫之技法言太元君子尤訾其僭經孰與文似相如之爲本色者以弟年力充而有餘俱不可量使有進者安知無後悔雖然凡物之情之貴之賤不可以恆例也蒲葵六角一操王謝之手而時價暴踊陳顯達之誠休尙曰麀尾蠅拂是王謝家物汝不須捉此卽取於前燒之若詩若賦不宜爲顯達所賤亦豈屑爲時尙所貴吾且以喬生之集爲玉律金科可乎亦嘿然未有應也

中洲草堂遺集卷首

四 詩雪軒校刊本

崇禎戊寅上元日兄子壯撰

中洲草堂詩刻原序

管崇禎壬午陳子喬生與余締社於僊湖同社諸子方銳意舉子業余竊眎喬生翩翩然有建安芙蓉園之想制義之暇輒復稱詩其伯氏文忠公修復南園五先生故事喬生則已奮袂登壇名流且避席矣方是時喬生聲華籍甚芥視青紫爲故物海內俊傑無不思與投分者所著書無慮數十百種文忠則謂其詩可孤行云久之喬生筮仕鳳池會七閩軸折端水播越復拜右拾遺

蓋喬生才與遇俱無足憾適阨者時耳於是喬生乃益大肆其力於詩上凌漢魏下轢三唐擷六代之菁藻何李猶儉叶正始之元音鍾譚如鬼顧憲與余晨夕商榷近刻成又屬余曰爲我序之余於俗人有荒唐之目久已杜口一切茲何容喙焉閒嘗縱觀洪永成宏以迄于今天下之詩凡數變矣獨吾粵猶奉先正典型自孫典籍而降代有哲匠若黃文裕門下蘭汀瑤石崙山諸公暨李青霞區海目背項相望其他未易枚舉彬彬乎曲江流風於斯爲盛蓋其人雖具雄才絕力而不敢顛倒

中洲草堂遺集卷首

五

詩雪軒校刊本

衣裳孰與公安竟陵輩狎主齊盟則蛇豕蹂躪矣斯亡國音哉夫溫厚和平之訓衰而後露才揚己之風作必也正大而可則敷榮而麗質湛深而副情發響而若奮諸陽斂奏而若抑諸陰庶幾哉才術化爲性情無媿作者矣喬生之才惟能坐進乎此也余何足以序之亦聊述吾粵之未嘗變者請質之海內云爾丁酉初秋同學弟薛始亨序

陳喬生傳

羅浮道士薛始亨

予旣作鄭湛若傳以示陳子喬生喬生讀之曰子更宜傳我予笑曰君年與志業俱未艾何亟焉豈以子樂道人善哉喬生曰以子善於知人心而尤知子心也嗟乎喬生知名於世久矣其進也不可謂不遇而獨以子爲知其心何哉始喬生尊公與先子同年於子爲年家喬生年十五以制義應童子試郡司李樵李顏公俊彥行太守事實其文典古拔之冠一郡目曰十六邑之奇童遂爲郡弟子員每督學試士輒雋餽於二十人中十餘年省試文過高不售聖安登極詔薦士以明經舉第一

中洲草堂遺集卷首

六

詩雪軒校刊本

明年隆武改元於閩因赴闕拜中書科中書舍人使粵而聞陷奔謁行在於邕州拜吏科給事中遷兵科右給事中繇此觀之遇耶不遇耶其先公以名進士起家官都諫喬生繼之兩世青瑣亦粵之美談也孰爲不知喬生者或謂喬生少一第嘗自遜夫恭謹固萬石流風也然世之第進士者不少才孰與喬生卽喬生家世自其曾大父大司空洛南及從祖京兆天遊先公都諫伯氏文忠其第進士者尤不少顧獨以一第爲喬生少耶嗟乎世之訾忌賢才類若此矣寒門而才則輕其閭閻閭

閤而才則矜以科第若夫閤閤科第而又才也則汚以
曖昧之內行而已矣以喬生之負材雄跡而免於汚亦
已幸矣一第之少田舍翁之談無足怪黎美周曰喬生
天人也其幼時從其先公宦遊自浙而京師未幾使冊
楚藩繇齊魯而南踰江漢而北喬生未嘗不侍所經水
陸萬餘里過古名賢遺跡必低回詢考夜則以語太夫
人嘗過孟嘗君養士處慨然太息於是見者咸異之尊
公亦許其志操時六歲童子耳平湖劉尙書有人倫之
稱一見嘆曰使吾得子是人足矣及讀書一覽輒誦雖

中洲草堂遺集卷首

七

詩寧軒校刊本

世貴而力學刻苦被服操履尙雅素卑眎諸純袴必反
其所爲初操觚爲文覃思湛深憤排不自得一夕夢自
眎其胸前有一孔洞開徹背驚寤而文遂大進嘗有大
志伯氏文忠弱冠及第爲翰林編修閒於都諫邸試教
以詩占對應聲而就於是伯氏曰阿季且勝我卽人亦
以爲季方難弟也夫依乎學問者人也通於魂夢者天
也馴乎年長者人也啓於童蒙者天也非天人而何學
士方公以智曰喬生才子也粵人鮮解音律而喬生能
吳歛世所侈九宮十三調曲盡其妙又善鼓琴詩婉顏

謝畫法董倪卽以餘技爲印章亦追秦漢非才子而何
美周與喬生友善持其詩文延譽兩都吳越間一時賢
士大夫從數千里外想喬生之爲人往往寓書通聲氣
嘗先於乃兄乃兄尤友愛之曰吾第五之名不虛也方
公震孺直聲震先朝憲粵日峻屬簡酬接惟得喬生若
平生迨撫西粵病且死遺書以後事託焉喬生終其事
無少憾其篤誼如此天下大亂美周赴死虔州喬生遂
入閩筮仕非其志也志所以不獲騁者時也文忠公旣
殉節死最烈復籍其家喬生以同產竄避艱虞萬狀太

中洲草堂遺集卷首

八

詩寧軒校刊本

夫人又春秋最高喬生夜則枕席有涕泣處日則遇人
不敢顯其戚容恆不意自全所以獲全者天也端水草
創衣冠附勲鎮如誓喬生守正無所倚上深鑒其忠小
人嫉之而閒無繇入乃假以使事出之喬生旣東而粵
會再陷追西轍不及流落山澤間爲詩多悲慨爲變雅
之音或以爲三閭澤畔拾遺夔州不是過也薛子曰否
否屈原哲王不寤少陵野老何知亦非倫也如以詞則
發情止禮言之者無罪喬生有焉嗚呼喬生以予爲知
其心殆謂此耶殆謂此耶喬生非不遇主而不遇時所

謂能者天而不能者人耶嶠嶠未迫汗漫期遊使文而有歇後之體也吾以傳喬生可矣

爲陳黃門六十序

前監察御史掌河南道印吳郡李模

僕始令東南海陳文忠公偕其尊人都諫方以直節里居僕以通家子脩刺門下時喬生先生尙幼而才名噪於一郡予未得見也其後見黎美周於京師持先生所爲詩文相示而張天如黎博菴復數稱道先生爲人一時賢俊引領願交書郵車轍踰嶺而南無不問先生

中洲草堂遺集卷首

九 詩雪軒校刊本

之廬者雖文忠之門或不及也壽春方公直聲震天下於人少所推許而獨傾心先生及撫西粵病亟千里相迎以後事爲託予聞益敬而慕之乙丙之交嶺海阻絕者數年先生以明經薦起讀中祕書給事黃門而文忠美周後先殉節桑海變遷向所謂文章意氣之士大半爲不朽之人其一二存而不變者則又銷聲匿影塊然伏處自謂與先生無復相見日矣辛亥先生入黃山青原訪熊魚山方密之爲方外之遊二公宗門中所謂槩菴藥地者也槩菴法字先生曰智山而問予姑蘇自稱

智山道人予以文忠與先子同年成進士見先生執禮卑先生則謂美周其骨肉至交而出予門下亦執禮卑甚相與一笑謂與先生相期數十年乃不獲彈冠吐氣見於鳳池青瑣而曳竹杖躡芒屨鳴緒語於東吳菰蘆之中殊可歎也因追論往事屈指故人相樂也已而相泣距今三年先生之年六十矣粵中同人寓書吳門命予一言爲先生祝嗟乎予與先生相期之久相慕之深及執手相勞欲言滿臆尙不能出諸口况能言之數千里外哉然念予始知先生先生幼而予已屹然巨

中洲草堂遺集卷首

十 詩雪軒校刊本

人忝爲民上今先生且六十矣鬚髮皤然予之推頽益可想見今昔之感橫於中又若不能已於言也天道六十年一周三十年而一變而古者以百二十歲爲上壽先生自視前此三十年與今三十年相去何如也先生數游多見異人讀異書卽不得仙於百二十應得之年當不至有所減損吾又烏知先生後此六十年復將何如也先生有子甚慧能讀父書曾爲予道之試令誦予文於側先生當爲擊節引滿

陳中洲先生全集序

余幼喜聞父老談南海陳氏節烈之事骨鯁之概華國
之文恨生年大晚不得親爲執鞭以誌欣慕之意髫年
偶遇一人於途中高額廣頰清揚美髯氣度雍容饒有
晉人風致目送久之同行友人曰子亦有異於彼乎此
陳中洲先生杲菴先生季子秋濤先生介弟也余既聞
所聞而慕又見所見而欽然時藝業未成聲氣之所弗
及無因緣相見弱冠始知爲詩有傳誦余文君典琴二
律於先生之側此二題先生開社曾拈因大見稱許繇
是親承教誨得讀全稿大都製雅言文冲融有度清發

中洲草堂遺集卷首

士

詩寧軒校刊本

中間以鏤金錯彩先生長世家值國運昇平之會父兄
炎盛之時旣攻經義以舉明經中拜官黃門則又進思
補袞乃復攻諸體襍文細及彈琴度曲蟲篆渲染非其
才分過人學力精敏何以致此夫詩以言志先生之志
亦可觀矣前爲烏衣子弟泊爲蘆中逸民欲語不能欲
默不得竄憂沈鬱益努力於文章宜其囊函填積令人
目不周賞矣辛亥度嶺浮江變爲清虛超脫洗盡鉛華
波瀾獨老今其存者殺青繕寫日就剝蝕令嗣臣張能
世其學而家累酷貧不能盡梓檢齋集中如劒公大鴈

藥亭翁山諸公各有評本臣張偕余更加較訂審擇從
來攻文之家雖靡體不兼然往往各踞偏勝近日辭流
其於長篇四韻兼長已寡而於騷賦則茫不知其津岸
矣蓋賦盛於漢昶於魏晉靡於齊梁至唐而絕傳矣先
生諸賦獨擅魏晉風格不墮唐人止十逸其二三古體
詩今體詩各逸其半寧嚴毋濫擇其通首精神氣味完
實以取古人者取之至若詞曲雖屬緒餘然其匠心慧
舌久矣擅名吳下附綴卷末見善戲謔者之不失爲有
斐君子也夫集之傳於世也令人讀而苦其多不若令

中洲草堂遺集卷首

士

詩寧軒校刊本

人讀而惜其少嘗觀往古名人全集多有不堪吟誦之
作消穢簡篇此豈古人意哉無亦其名旣盛後人旁搜
其生平絕不經意之作並入集中以爲大備不知其爲
集之累也今先生之集異是重光大荒落之歲春仲望
日古岡後學黃河澂謹書

中洲草堂遺集卷之一

明南海陳子升喬生著

賦

紙匣賦

吳大帝觀於闔閭之城得美玉焉思所以藏之將謀爲匣未審其良迺召閭門布衣而問焉布衣對曰臣之爲匣也非雕非髹似木似漆初柔後剛外文內質疊之層層渾成爲一叩之角角輕清而實主上得無意乎帝曰並爲我致之對曰主上必欲致之則取紙膠東徵錦西

中洲草堂遺集卷之一

詩雪軒校刊本

蜀綾挑九寡之絲素製梁王之竹椒死羽陵之蠹香榮日本之幅絹漬鶯溪賤浮鴨綠於是縹楮護角紺油脂腹裏貴達表骨堅稱肉然必按以魯般之尺裁以并州之刀碾以須水之璞刷以中山之毫磨以沙魚之皮光以霜蟹之螯其匣乃久而不敝也臣先期一月必齋必戒始勤其手以集厥塊繼苦其心以觀利害察於神鬼而左右不礙通乎造物而青黃胥配故臣之匣精微敦厚不櫻於物使物長壽窮綺返素知新尙舊伯鸞不憎西施自陋苟非其人業不輕授帝大喜乃匣美玉號布

衣爲韞玉先生以爲藏器之善惟布衣獨也

四面石章賦

印章之便者莫如四面矣六則妨持兩則罕變酌於行藏四始盡善若夫青田壽山美石勝玉淨比茶心潤同臬熟磨之方正角八面六隨手皆安平心各足固事蟠蟠奚容斗覆或方孔橫通或混沌不竅貫組何傷待銘亦抄小匠既治名公始制迺訪甘氏寅東何氏雪漁邇推陳元水魏氏祖述秦漢旁按書契龍信螭屈鳳儀虎勢或蟲繡以閒斯冰或齋堂以參名氏或陰文而配陽字

中洲草堂遺集卷之一

詩雪軒校刊本

或衝號而隆私記油硃璀璨鐵筆神麗緩用勤拭披文游藝故足貴也彼夫刻意龜馳殫精綰鈕不解六書徒作矯繇玩物喪志亦孔之醜吾無取焉

狨賦

忍戾强梁原於啖食有物維狨食猴有術羣猴遇狨惴惴其慄頰眦而跪欲走不得狨隨舉手捫猴腮否相肥拾石識諸猴首瘦者麾去肥不敢走再三選擇取一肥好使向溪河飲水滌腸猴受狨命自亨自湘狨徐啖之如薦圓方客狀斯事撫頰成章其辭曰虎欲噬人不避

賢豪已蛇噉象鯨魚吞舟彼彼食猴何其不勞苛政之行甚於猛虎卽且甘帶鴟鴞嗜鼠彼猴飲彼何其太苦慄不敢走一何威也拾石識肥何衰回也選而取一抑何賤也繇之而啖又何快也騰躍跳敖嗟爾王孫獸心人狀胡不相存人搏獸兮獸相賊獸食人兮人相食彼食猴兮爲猓德疇食猓兮天是殛

鴈賦

可敬哉其不亂羣可思哉其感乎風人可異哉其應時而來賓可憐哉其棲棲之客身斯踏沙而泛水迺負天

中洲草堂遺集卷之一

三 詩雪軒校刊本

而亂雲雖鳳凰其稱瑞吾獨最憐乎君

士不遇賦

己卯之歲陳子下第客曰董公仲舒士不遇賦委約悲愁維予之故乃賦焉曰欵士亦何嘗不遇哉維北有斗南殷其雷吾行卻曲我馬虺隤本四三之珠乘兮千百之金臺金旣委而入甌珠亦賤而同埃寢笑因而向築卜何爲兮在枚孔何歎於莫知屈胡悽於無媒季子之金何處下和之玉歸來詎十年之不字兮將八斗之非才乃有志學小成髫年新進洛下方如終童亦僅解

鳩車以試遊尙犬子之慕蘭折榮桂而舉手拾名芥於一瞬絢綵衣而倚虹粲花帽而如薜莫不向潘車而擲果思秦壻而求順至若馬途猶識龍性終昂名呼伏生弟視馮唐方戚戚于泥沙何躍蹕於康莊嗟飯牛之日暮喜釣魚之鷹揚經字晦而騰猷筆花老而聞香亦或來故舊而相慰聚兒孫而引觴若夫金張許史王謝之子一身沓拖千金舉趾驥驥相生麟麟繼起日填日篋維喬維梓決江河兮莫禦光日月兮相似世復世兮聲薄雲子兮子兮誰不聞忠與孝兮可立家富與貴兮將

中洲草堂遺集卷之一

四 詩雪軒校刊本

事君繁簪笏之纍纍令冠蓋之紛紜守經而食德樂耕道而深耘若乃蓬居獲牖百不自聊薪難積桂葛已辭貂摧分逼寸困夕愁朝一旦登天平生始標卒曩債之可還眇昔誓而誰驕植東方之榮槿輟梁生之噫謠藉白茅兮用可重惻井渫兮心伊礪本有多材多藝亦達亦果洛疇盈右河圖溢左列錦合基雕龍炙輶熟嘉實於靈苗班韓萼於移朶字出入兮千金句葳蕤於珠顆伯樂相駿鍾期知音白雪高和凌雲上林奏新語兮呼萬歲窺石梁兮抗千尋增國寶於中祝曜席珍兮珍

琳啟菁華而名世揚羽儀而盡簪駭夫瓦釜雷鳴魚目
相蔽海畔逐臭門下之羣晉如鼯鼠小狐汔濟竊明珠
於睡龍貪癡骨之一蛻魍魎魍魎今輒逢人盜亦有道
兮穿窬勢吁嗟乎止水疇鑑稱異焉衡黑白在目雅淫
從聲惟古樂之宜臥然婦燈而極明徒使人磨晨功於
淡日礪夕試於嚴更務鎔金而鍊石用編貝而連瓊胡
周人之質璞詎招虞之以旌於是揚嘲咎至古弔徒爲
擔簦乘馬彼雄雌無誰甲而誰乙摩大兒與小兒腹
便便而若此志慕賢而何之苟依依其可得亦望壘兮

中洲草堂遺集卷之一

五 詩雪軒校刊本

過時僕生海濱匪曰操舟柏梁堪上虎觀能遊華語先
春清辭遣穠骨凝幹會鳳噉鸞啾不狔天以驚人胡上
怨而下尤誠哉毋令憐於愛我兮不使快於所讐重曰
肝膽可同辨鬚髮荆人獻璞夫何別富貴難求從吾好
胡嗟方枘與圓鑿薄寒中人志不平逍遙神佳命所成
委回婉約不可撐龍驤千里無畱行坎坎伐鼓鐘長鳴
嚶嚶其志成吾生

小硯賦

片石如掌出自端谿溫侔崑璧潤勝澄泥水巖紫雲硯

惟此珍誰其琢之事諸巷人堂似坳而非坳池既鑿而
未鑿底欲剝而不剝邊務擴而卽擴石丈之孫墨卿之
季嘗攜遠遊光我篋笥必也奇文庶幾無愧况以研幾
載道之器

盱思賦 并序

子升生長南越永籍世德爲孫少於諸昆先奉
常厥育偉三而閒五爰少伯氏侍郎十有八歲
仲氏早世先奉常亦用次魄比于列星於茲以
來春秋二八而子升三十有一歲矣惟先奉常

中洲草堂遺集卷之一

六 詩雪軒校刊本

仕歷三朝惠民諍政排璫慮蠻海內正流交要
於靈存談烈於奏著繫稟大王父大司空之範
則且王父有炯志讓風匪固繫遂子升芥軀忝
于父祖遷延衿序何所奮其軌武故作盱思賦
以吐結遘懷其辭曰

肇鳩祖之大孝兮嘉穀裔以邦公閱雷麓以神興兮協
君娥而縣重歷周漢而偉燉兮顏穎川曰仲弓際明龍
而南處兮廬善鄉焉里仁眎滙流之西壤兮度山勢乎
石門荆曾祖之鼎秩兮入冠佩於南閩考稱叔而再少

兮敦讓節而寡存挈賢書而登升兮橫兩丙而光國垂
墨綬於當湖兮挹清泉以安酌民母仇夫愛僑兮甘雨
興其頌東旋報政而庸良兮聳青瑣而就列鏘筆笏於
七諍兮喻繩木惟言賁薦國寶而與立兮似嬰釋夫越
石秉天垣而贊庶兮鼓采疇於兵食外籌師以靖埵兮
內誠蠻焉參巢璫播惡而罄忠兮繁虎張而教孫曰不
直而奮義兮將長禍乎誰咎叶爰書臯以入謨兮憺不
測其安聊厥毀德以墨退兮計刈毒初未怡遯山連於
箕舍兮丁睿輦之乘時憫微生方三五兮惛莫究其所

中洲草堂遺集卷之一

七 詩雪軒校刊本

謂侯主孝於遙京兮倚慈氏而中昧輟禮觀而惕訓兮
敦文籍而強志念徽劬以若焚兮震峻谷其如墜緊五
鞠而暨躬兮咨地木以定名德積小以高大兮章七祀
而覩生非憤繹而孤夢兮曾自察其洞明昕寤異而游
想兮藝循循而有登躡里舉以執經兮超郡策以微聲
亮同人之无咎兮載中車乎遠朋嗟慮已以揆勢兮時
淵闕焉其蔑貢卞獻璞而輒則兮宋資甫而無用蓋余
齡月計其初逾兮弗孟明之悔也既結裝以訊駕兮疇
廉德而邁也窮與達其倚伏兮時與命其誰何季敝貂

而戚侮兮犬濯鬪於輿閣壹重歎於哀命兮鴻瞻京而
噫歌滑肘俄而生柳兮惠舌吐而據梧驂驪不可以執
鼠兮騰蛇厄於螂蛆期弗獲於呂暴兮乃惻岫以自娛
蠡嗣慮而窳事兮秦師赫夫號胥般殫工而木羽兮罔
攸得夫元珠固無爲而自致兮亦底精而成圖墨阿旅
還其榮威兮嬰蚡舟盪其實客劉數痛於交轡兮翟揚
誓於羅雀張感雪而廣愁兮賈臨湘而輟泣茂彪辭而
介貞兮展竊都夫謙植嘻方桷曷圓鑿兮慙鳧短而鶴
長善哉敷爲瞿所兮瞞不侔於寄桑詎執中以效莫兮

中洲草堂遺集卷之一

八 詩雪軒校刊本

胡競瑟而詔箏叶彼上下之虛眎兮徒若是乎蒼蒼盤
珍纒余襲積兮固祿錫其已然元鳥鳴於九臯兮長離
戲於丹山奠青瑤與素威兮讀明月及琅玕翹端曲於
律呂兮鏗清颺而宣絃師旻墟以藻繪兮拂峻冽以翩
翺夫皇極之是誠兮象一本爲終慕雖爻畫之參差兮
追矢砥而無斲叶藥勿勿而含英兮厥藏知惟垂露樂
肝輳以遐諏兮濬交源而疏流喜風悅夫博犬兮穉節
苾乎南州黯長揖而藐戟兮雲善笑而謁舟融始直彼
鼓狂兮爰則妃夫史鮪苟懌觀而區隔兮叩雖對而被

簪使牛哀之化虎兮逢博殞其安尤嗟青蠅之玷素兮
蟻又含沙而射我蠹孟門於拆闔兮漸騷騷其蹴火狸
僂踞而正坐兮謂仁磨之不可恫鬱邑其罔飛兮不斲
物而屢忤謂羣淑爲非情兮欲施扁又加以不豫抗重
猷斯充耳兮宗徇嬉而憎岐曩輸肫以同患兮曾不急
而相攜小諂誹而大詈兮恆甚恥於事倪固睨運將誰
懟兮盍逍遙於我鄉肅具茨之清軌兮登三籟之玉堂
靈告予以勿眩兮寶永貞而自康鏡明哲於良連兮涵
芴穆於晤莊誠通塞之莫專兮聿保思爲巨進膠與漆
其必合兮金土銷而必覺厲報德而不貳兮雖粹修於
叢紊面非醴而時頽兮亦不刷而勁鬢率考志以卜涉
兮庶符胎乎同心靚時至於元契兮掖華要而綏吟亂
曰三才易六萃則乘兮信德自古旁匪增兮昭琴石跼
何營慮兮準厥剛柔順吐茹兮耽一不失曷百媚兮大
澤綆網中有豹兮班征著訓允輔信兮有翔輓輓酣通
人兮

夢禺山賦

此予在潮州夢遊禺山作也夫禺山厥名伊古

中洲草堂遺集卷之一

九 詩雪軒校刊本

予世居於斯矣今且入市雜爲培塿其安足遊
乃近日鄉縉紳新創書院凡鄉事聚議歲時燕
餞咸於焉定子弟得與焉因斯夢也據地撫時
揚風致戒命曰夢禺山賦彼子雲執戟作九州
歲安仁西征嘆三才道良猶是爾

遡南中之端理兮麗番禺而名禺憩五羊之神躅兮萃
八桂之芳叢北連朝漢之鬱鬱兮南直時乎珠江晚佗
嘉之踞跳兮瞬銀龔之起伏歷世變而稠室廬兮煙芸
芸而少木於是乎雙門擊鼓而洩漏兮巍樹塞乎方牧

中洲草堂遺集卷之一

十 詩雪軒校刊本

事郡靈以協祇兮又艘輪軒之肅肅爰集厥議兮縉紳
先生相爲公館兮高栢大楹冠裳偉碩兮是履是視凡
民利害兮敬告當事嗟予行之不逮兮愿忝德于先世
追篤實以尙賢兮循家食于子弟敝清風緊諫議兮自
大王父惟大司空修鴈序而超領兮皇新眷夫侍郎子
以璧盪而放於潮州兮懷近鄉而屢顧結雅夢以綴情
兮疇同心而異路步清渚兮瞻天南越平流兮創巖巖
歷家世兮睇衆林鋪周道兮獻信箴箴曰隆隆禺山神
聽卑兮視履其旋好惡齊兮孟門太行徒嶮巖兮考父